

INUIT ATAQATIGIIT

INATSISARTUNI



UPA2022/095 & 134

28. april 2022

Egaluk Høegh

Tasiilami efterskolimik pilersitsinissaq siunertaralugu pilersaarummik UPA 2023-mi Naalakkersuisut saqqummiusseqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Mala Høj Kuko, Siumut)

Tasiilami adventure efterskolimik pilersitsinissamik Naalakkersuisut peqquneqarnissaannik siunnersuut.

(Inatsisartunut Ilaasortaq Harald Bianco, Inuit Ataqatigiit)

Siullermik Harald Bianco, Inuit Ataqatigiit, kiisalu Mala Høj Kuko, Siumut, siunnersuutaannut Inuit Ataqatigiinniit qutsavigerusuppagut.

Nunatsinni ilinniartitaanikkut qaffassaajuarnissarput – tamatta pingaartikkippuit qularutissaanngilaq. Aamma minnerunngitsumik Tasiilami meeqqat inuuusuttullu eqqarsaatigalugit.

Inuit Ataqatigiinniit maluginiarparput Naalakkersuisut allannguutissatut siunnersuuteqarmata. Siunnersuutit uku marluusut – ataatsimoortilersinnarlugit – sulianut allanut – tassa Tasiilami suliniutit allat ingerlareersunut – siunnersuut ilanngunneqarnissaa Naalakkersuisut siunnersuutigaat. Tunngaviusumik Inuit Ataqatigiinniit isumaqtigaarput suliniutit tamatigut ajornanngippat ataqatigiissaakkamik ingerlanneqartarnissaat. Ataqatigiissumik – kivitseqatigiinnissamillu anersaaqarluni suliniartarneq pingaartuusoq isumaqaratta.

Taamaattumillu ataatsimiitsitaliami susassaqartumut suliaq una ingerlateqqinnejassappat – taava Naalakkersuisut siunnersuutertik pillugu suliat allat kiisalu qanorpiaq Naalakkersuisut siunnersuutertik pillugu

INUIT ATAQATIGIIT

INATSISARTUNI



ataqatigiissaakkamik suliniaqqitoqarnissaanut takorluugaqavinnersut
ataatsimiitsitaliamit piaartumik tamakku pillugit ujartuisoqarnissaa
oqariartuutigeriissavarput.

Taama oqaaseqarluta siunnersuut ataatsimiitsitaliamut susassaqartumut
suliassanngortinneqarnissaanut ingerlateqqinnejarnissaa kissaatigalugu
ataatsimiitsitaliaq susassaqartoq sulilluarnissaanik kissaapparput.